

Avdiyes ka lyakovinel les zalwk po zalwk, za da mozhe o raklo te siklyol te tradel o ayroplanos. Ingerdas gadava manushes, kate tradela les. Avdiyes zalwk, taara zalwk – li lyakovinela les, li siklyola te tradel. Saranda dies o rakloro achhilo shpets. Saranda diesendar sasterdyas les.

– E, thagara, to thagaripe tuke! Me sasterdyom tu. Me ka dzha mange, alo dies ka dzha mange.

– Evlyadwn, te droma phutarde, a o somnal dovel ilyav les.

Te mukas o thagares, te dikhas o raklores. Dzhal o raklo, chhityas pes ko ayroplanos. Chektin vazdisaylo, gelo. Da, ama o rakloro bokhaylo.

– Me dori bokhaylyom. Ach te hulyav te hav.

Muklyas pes o raklo natele, hulisto. Diyas ekhe zakusvalnate, restorant. Khay so te dikhel – o thagareskoro raklo andre izmekyari, halereela e chinies, chistonela. Ande leske ekh portsiya habe, beshto oraklo, halyas duy buka. Ov pindzharel les, okova nashti pidzharel les.

– Ey, kherata, avta katka! Tu katar san?

– A be, me siom o tragareskoro raklo.

– So keres kate?

– Mi me chektin, te rodav o thagareske bakshishi. Kon ka anel leske po-baro bakshishi, ov ka lel leskere raklya.

– Me dori jav uthe. Te mangesa te ingerav tuke te aves mantasa.

Bisminlyahi, avilo o thagareskoro raklo, thovdyas les ko ayroplani. Vazdindyas o ayroplani.

– Ka dzhas avere gaveste ko hamami. Ka dzhas te nanyovas.

Hulistile. Kay gele ko hamamos, so te dikhen – kolesko thagar morwla e manushen, telyakos.

– Ey, telyak, av kate! Kobwr pares manges te morws ma?

– Duy grosha.

– Hale tuke ekh galaganos.

Lyas o raklo, mordyas les ekh shukar.

– Tu katar san?

– Filyan finaletar siom.

– Tu na sian filyan thagaraskoro raklo?

– Va.

– A so rodesa kate?

– Nanay ma pares. Bikti mo paltos, achhilyom telyakos te inkalav khay deekh groshi te dzhav mange. Me dori chektin, te rodav bakshishi, filyan finale thagareskere raklyake.

– Ayde, li me dzhava uthe. Te mangesa te ingerav tut.

Ukistilo li ov, chektin o raklo, avilo ko thagaripe.